

ოზურგეთის მუნიციპალიტეტი



ავტომანქანის და მასთან დაკავშირებული მოწყობილობების
(მომსახურებისთვის საჭირო სათადარიგო ნაწილების გათვალისწინებით)
შეკეთების მომსახურების სახელმწიფო შესყიდვის შესახებ გამარტივებული
ელექტრონული ტენდერის აუქციონის გარეშე საშუალებით შესყიდვის
სატენდერო დოკუმენტაცია

CPV50100000

ოზურგეთი

2017 წელი

1. ინსტრუქცია გამარტივებულ ელექტრონულ ტენდერში მონაწილეობის მისაღებად

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრედენდენტს არა აქვს უფლება წარმოადგინოს ალტერნატიული წინადადება

2. შესყიდვის ობიექტის ტექნიკური დავალება

2.1. მიმწოდებელმა 2017 წლის განმავლობაში უნდა უზრუნველყოს სსიპ „ოზურგეთის მუნიციპალიტეტი“-ს ბალანსზე რიცხული 5 (ხუთი) ავტომობილის და მასთან დაკავშირებული მოწყობილობების (მომსახურებისთვის საჭირო სათადარიგო ნაწილების გათვალისწინებით) შეკეთების (ტექ-მომსახურება) მომსახურების გაწევა.

2.2. ავტომობილების ჩამონათვალი:

1) Toyota FG Cruiser – JTEBU11F170040101 (ბენზინი) – გამოშვების წელი 2006

2) LEXUS GX470 – JTJBT20X080152295 (ბენზინი) – გამოშვების წელი 2007

3) Hyndai Tucson – kmnjin81vp6U393362 (დიზელი) – გამოშვების წელი 2006

4) NISSAN X-TRAIL – NT30069137 (ბენზინი) – გამოშვების წელი 2002

5) NISSAN X-TRAIL – NT30069137 (ბენზინი) – გამოშვების წელი 2004

2.3. მომსახურება უნდა განხორციელდეს, ხელშეკრულების გაფორმებიდან 2017 წლის 31 დეკემბრის ჩათვლით, შემსყიდველის მიერ მოთხოვნის შესაბამისად.

2.4. პრეტენდენტს ავტო-ტექმომსახურების სერვის-ცენტრი (ან მისი ფილიალი) უნდა გააჩნდეს ქალაქ ოზურგეთში ან/და ქალაქ ოზურგეთიდან არაუმოკეს 30 (ოცდაათი) კილომეტრის მანძილზე (იჯარით ან საკუთრების ფლობის უფლებით).

2.5. ტენდერში მონაწილე პრეტენდენტს ტენდერით გათვალისწინებული სამუშაოების ჩასატარებლად უნდა გააჩნდეს (პრეტენდენტის მიერ მოცემულ ფაქტიურ მისამართზე) საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით (ქირა, თხოვება და ა.შ.) თანამედროვე ტექნიკური მოთხოვნების შესაბამისი შემდეგი მატერიალურ-ტექნიკური ბაზა:

ა) „რაზვალის“ აპარატურა (თვლების დაყენება, კუთხეების შემოწმება);

ბ) ავტომობილის ასაწევი ლიფტი (ამწე);

გ) დიაგნოსტიკური აპარატურა;

დ) „ბოქსი“ არანაკლებ 2 (ორი);

2.6. პრეტენდენტმა აღნიშნული მატერიალურ-ტექნიკური აღჭურვილობის იჯარით ან საკუთრების სარგებლობის შემთხვევაში, იჯარის ან საკუთრების დამადასტურებელი დოკუმენტები უნდა აიტვირთოს ერთიან ელექტრონულ სისტემაში ტექნიკურ დოკუმენტაციასთან ერთად (შემენის დამადასტურებელი დოკუმენტი).

2.7. ავტომობილის მომსახურება გაწეული უნდა იქნას დაუყოვნებლივ, მომსახურება დაიწყოს დაუყოვნებლივ და დაასრულოს არაუგვიანეს მომდევნო სამუშაო დღისა, ხოლო იმ შემთხვევაში თუ აღნიშნულ ვადებში შესაბამისი ავტოსათადარიგო ნაწილის არ ქონის ტექნიკური სირთულის გამო ვერ ხერხდება მომსახურების დასრულება, მომსახურება დასრულებული უნდა იქნეს მხარეთა შორის განსაზღვრულ გონივრულ ვადაში (არაუმეტეს 30 კალენდარული დღისა).

2.8. პრეტენდენტმა უნდა მიუთითოს ფასები, განსაფასებელი ცხრილების (პრეისკურანტების) ჩამონათვალში მოცემულ სათადარიგო ნაწილებისა და მომსახურების სახეობაზე (დანართი #2).

2.9. პრეისკურანტში განუფასებელი ან ნულით განფასებული სათადარიგო ნაწილები და მომსახურება შემსყიდველის მიერ არ ანაზღაურდება და ჩაითვლება, რომ ამ სათადარიგო ნაწილებისა და მომსახურების ღირებულება დაიფარება სხვა სათადარიგო ნაწილებისა და მომსახურების ხარჯზე.

2.10. განსაფასებელ ცხრილებში მითითებული მომსახურების ფასები უნდა იყოს საბოლოო და საჭიროების შემთხვევაში მოიცავდეს კონკრეტული მომსახურების გაწევასთან დაკავშირებული თანმდევი მომსახურების ღირებულებასაც, კანონმდებლობით გათვალისწინებული ყველა გადასახადების ჩათვლით.

2.11. ავტომობილის მომსახურება უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში (საჭიროების შემთხვევაში ჩაუტარდება დიაგნოსტიკა) სადეფექტო აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და სათადარიგო ნაწილების დეტალური აღწერა, აგრეთვე, მომსახურების დაწყებისა და დასრულების ვადები.

2.12. თუ ხელშეკრულების მოქმედების პერიოდში აღმოჩნდება, რომ განფასების ცხრილში არ არის საჭირო მომსახურება ან/და სათადარიგო ნაწილი, ასეთი სათადარიგო ნაწილის ან/და მომსახურების ფასი დგინდება მხარეთა შორის შეთანხმებით საბაზრო ფასის გათვალისწინებით.

2.13. ფასების ცხრილში მოცემული (დანართი #2) მომსახურება შესაძლებელია სრულად არ შეისყიდოს „შემსყიდველმა“ და ანგარიშსწორება განხორციელდება ფაქტიურად გაწეული მომსახურების შესაბამისად, ერთეულის ღირებულების შეუცვლელად.

2.14. პრეტენდენტმა შემსყიდველის მფლობელობაში მყოფი ავტომობილების საჭიროების შემთხვევაში ევაკუატორით მომსახურება უნდა გაუწიოს უსასყიდლოდ, გარდა იმ შემთხვევისა როდესაც ავტომობილის გაუმართაობა მძღოლის ბრალეულობით არის ჩადენილი.

3. ანგარიშსწორების პირობები

3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2. ანგარიშსწორება მოხდება უნაღდო ანგარიშსწორებით ლარში, ეტაპობრივად მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.

3.3. საავანსო ანგარიშსწორება არ გამოიყენება.

3.4. დაფინანსების წყაროა 2017 წლის მუნიციპალიტეტის ადგილობრივი ბიუჯეტი.

4. პრეტენდენტმა ერთიანი ელექტრონული სისტემის საშუალებით უნდა წარმოადგინოს შემდეგი ინფორმაცია:

4.1. რეკვიზიტები დანართი #1-ის მიხედვით.

4.2. შევსებული ფასების ცხრილი (5 ავტომობილის) დანართი #2-ის შესაბამისად.

4.3. ინფორმაცია მატერიალურ-ტექნიკური ბაზის შესახებ დანართი #3-ის შესაბამისად.

პრეტენდენტმა აღნიშნული მატერიალურ-ტექნიკური აღჭურვილობის იჯარით ან საკუთრების სარგებლობის შემთხვევაში, იჯარის ან საკუთრების დამადასტურებელი დოკუმენტები უნდა აიტვირთოს ერთიან ელექტრონულ სისტემაში ტექნიკურ დოკუმენტაციასთან ერთად (შეძენის დამადასტურებელი დოკუმენტი).

4.4. ინფორმაცია ქალაქ ოზურგეთიდან არაუმეტეს 30 კილომეტრის მანძილზე (პრეტენდენტის სარგებლობაში არსებული) მოქმედი სერვის-ცენტრის არსებობის შესახებ. საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით (ქირა, თხოვება და ა.შ.) დამადასტურებელი დოკუმენტაცია (მისამართის ჩვენებით).

შენიშვნა 1: გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-სა და მეტის სხვაობის შემთხვევაში, მიმწოდებელმა შემსყიდველის მოთხოვნის შემთხვევაში 5 (ხუთი) სამუშაო დღის ვადაში უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა, რისთვისაც მიმწოდებელი ვალდებულია, წარმოადგინოს ექსპერტის მიერ გაცემული დასკვნა. ზემოხსენებული ექსპერტის დასკვნის წარმოდგენლობა ავტომატურად გამოიწვევს შესაბამისი მიმწოდებლის დისკვალიფიკაციას.

5. პირგასამტეხლო ხელშეკრულების პირობების შეუსრულებლობისათვის

- 5.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 5.2. წინამდებარე ხელშეკრულებით ნაკისრი ვალდებულებების შესრულების ვადის გაშვების შემთხვევაში მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.
- 5.3. იმ შემთხვევაში, თუ მიმწოდებლის მიერ, სატენდერო დოკუმენტაციით (ხელშეკრულებით) განსაზღვრული ობიექტის ჩაბარების ვადას ცალკეული ავტომობილზე, ვადაგადაცილება აღემატება ჯამში 30 კალენდარული დღე, შემსყიდველს უფლება აქვს შეწყვიტოს ხელშეკრულება.
- 5.4. ხელშეკრულების შეუსრულებლობით შეწყვეტის შემთხვევაში, მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 10 (ათი) პროცენტის ოდენობით;
- 5.5. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ აანაზღაუროს შესრულებული სამუშაოს ასანაზღაურებელი ღირებულება, საჯარიმო სანქციებით გათვალისწინებული თანხის სრულ გადახდამდე.

შენიშვნა 2:

- ა) სატენდერო წინადადების ფასი წარმოდგენილი უნდა იყოს დანართი #2-ში მოცემული განფასების ცხრილების (პრეისკურანტების) ჯამური ღირებულების მიხედვით, მაგრამ არაუმეტეს განცხადებაში მითითებული შესყიდვის სავარაუდო ღირებულებისა;
- ბ) ტენდერში ვაჭრობა გაიმართება განფასების ცხრილების ჯამურ სავარაუდო ღირებულებაზე;
- დ) შემოთავაზებული ფასები არ უნდა აღემატებოდეს დანართი #2 მითითებულ თითოეული სათადარიგო ნაწილებისა და მომსახურების მაქსიმალურ ღირებულებას.
- გ) ავტომობილის და მათთან დაკავშირებული მოწყობილობების შეკეთების (მომსახურებისათვის საჭირო სათადარიგო ნაწილების გათვალისწინებით) და ტექნიკური მომსახურების შესყიდვაზე ხელშეკრულება გაფორმდება: **27 000 (ოცდაშვიდი ათასი) ლარზე. პრეისკურანტის თანხა შეადგენს: 346 406 (სამას ორმოცდა ექვსი ათას ოთხას ექვსი) ლარს.**
- დ) CPVკოდი: 50100000 - სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებები.

6. ხარისხი და გარანტია

- 6.1. მიმწოდებლის მიერ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს 6 (ექვსი) თვის განმავლობაში, გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით.
- 6.2. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება ან/და შეცვლილი სათადარიგო ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.
- 6.3. ავტომანქანებზე დაზიანებული ნაწილის შეცვლა უნდა მოხდეს მხოლოდ ორიგინალი ნაწილის ხარჯზე.
- 6.4. მიმწოდებელი ვალდებულია, (მომსახურების შედეგად) ავტოსატრანსპორტო საშუალებაზე შეცვლილი ყოველი კონკრეტული ნაწილი დაუბრუნოს შემსყიდველს.

7. დამატებითი ინფორმაცია:

- 7.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ოზურგეთი, კოსტავას №1.
- 7.2. ქ. ოზურგეთი, კოსტავას ქ. №1, საკონტაქტო პირი: ოზურგეთის მუნიციპალიტეტის სატენდერო კომისიის აპარატის წევრი - მიხეილ შილაკაძე. ტელ.: 599 333 223;

E-Mail: oz.sheskidvebi@gmail.com

პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

პრეტენდენტის რეკვიზიტები:

- პრეტენდენტის იურიდიული ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი
- საიდენტიფიკაციო კოდი
- პრეტენდენტის ტელეფონის ნომერი
- ელექტრონული მისამართი
- ბანკის კოდი
- მომსახურე ბანკი
- ანგარიშის ნომერი

/პრეტენდენტის დასახელება/

/სახელი, გვარი, თანამდებობა /

/ხელმოწერა, ბეჭედი /

ინფორმაცია სამუშაოს შესასრულებლად საჭირო
მატერიალურ-ტექნიკური აღჭურვილობის შესახებ

N	დასახელება	აღწერილობა/მ ოდელი	რაოდენობა	მდგომარეობა (ახალი/ნახმარი/)	საკუთრება/იჯა რა
1					
2					
3					
4					
5					
6					

ხელმოწერა: -----
ბ.ა.

8. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ----- ჩატარების შედეგად. წინამდებარე ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

1. ხელშეკრულებაში გამოყენებულ ტერმინთა განმარტება:

- 1.1. „ხელშეკრულება სახელმწიფო შესყიდვის შესახებ“ (შემდგომში- „ხელშეკრულება“) შემსყიდველ ორგანიზაციასა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ხელშეკრულების ღირებულება: საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის ამ ხელშეკრულებით დადგენილ ვადებში;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ წინამდებარე ხელშეკრულებით სხვა რამ არ არის გათვალისწინებული;
- 1.4. „შემსყიდველი ორგანიზაცია“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს მომსახურების გაწევას სახელმწიფო შესყიდვების შესახებ წინამდებარე ხელშეკრულების ფარგლებში;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ტექნიკური დოკუმენტაცია“- მიმწოდებლის მიერ SPA ----- გამარტივებულ ელექტრონულ ტენდერში სატენდერო წინადადებებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ავტოტექნომსახურება – CPVკოდი 50100000 (შემდგომში- მომსახურება).

3. ხელშეკრულების ღირებულება

- 3.1. ხელშეკრულების საერთო ღირებულებაა -----(-)ლარი;
- 3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა უფლება-მოვალეობები

- 4.1. მიმწოდებელი ვალდებულია:
 - 4.1.1. უზრუნველყოს წინამდებარე ხელშეკრულების მე-2 მუხლით განსაზღვრული მომსახურების გაწევა ხელშეკრულების გაფორმებიდან 2017 წლის 31 დეკემბრის ჩათვლით;
 - 4.1.2. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.
 - 4.1.3. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყონებლივ უზრუნველყოს აღმოჩენილი ხარვეზების გამოსწორება;
 - 4.1.4. გაუწიოს შემსყიდველს მომსახურება სათანადო ხარისხით;
 - 4.1.5. განახორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.
- 4.2. მიმწოდებელი უფლებამოსილია:
 - 4.2.1. მოსთხოვოს შემსყიდველს ხელშეკრულებით ნაკისრი ვალდებულებების შესრულება;

4.3. შემსყიდველი ვალდებულია:

4.3.1. უზრუნველყოს ხელშეკრულების შესრულების კონტროლი;

4.3.2. განახორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.

4.4. შემსყიდველი უფლებამოსილია:

4.4.1. მოითხოვოს მიმწოდებლისაგან მომსახურების გაწევა წინამდებარე ხელშეკრულებით გათვალისწინებულ პირობებში.

5. ხარისხი და გარანტია

5.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5.2. გარანტია -----

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების მიღების დროს, ისე ამ ხელშეკრულების მოქმედების პერიოდში.

6.2. შემსყიდველის შესაბამისი წარმომადგენელი (წარმომადგენლები, მოწვეული ექპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია შემსყიდველის მიერ დადგენილ გონივრულ ვადებში გამოასწოროს წუნი.

6.3. ინსპექტირებას განახორციელებს სსიპ- საქართველოს ოლიმპიური რეზერვების მზადების ეროვნული ცენტრის -----

6.4. მიმწოდებელი ვალდებულია ხელი შეუწყოს შემსყიდველს ინსპექტირების განხორციელებისას.

6.5. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

7. მიღება-ჩაბარების წესი

7.1. წინამდებარე ხელშეკრულებით გათვალისწინებული მომსახურების მიღება წარმოებს მიღება-ჩაბარების აქტის სახით, მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით;

7.2. მომსახურება ჩაითვლება გაწეულად მხოლოდ მხარეებს შორის მიღება-ჩაბარების აქტის გაფორმებისა და ინსპექტირების განმახორციელებელი პირის დადებითი დასკვნის საფუძველზე;

7.3. იმ შემთხვევაში თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებლად.

7.4. მომსახურების მიღებას აწარმოებს -----

8. ანგარიშსწორების ფორმა და ვადები

8.1. მიმწოდებელთან ანგარიშსწორება განხორციელდება ლარებში. ანგარიშსწორების ფორმა იქნება უნაღდო. გადარიცხვა მოხდება საბანკო ანგარიშზე ჩარიცხვის გზით;

8.2. მიმწოდებელთან ანგარიშსწორება განხორციელდება ეტაპობრივად მხარეთა მიერ წინამდებარე ხელშეკრულებით გათვალისწინებული გაწეული მომსახურების შესახებ ხელმოწერილი მიღება-ჩაბარების აქტისა და შესაბამისი დოკუმენტაციის საფუძველზე;

8.3. მიმწოდებელთან ანგარიშსწორება განხორციელდება მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან 20 (ოცი) კალენდარული დღის განმავლობაში, თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს, განმავლობაში.

9. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო

ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის (შეთანხმების) გზით, ხელშეკრულების მე-11 მუხლის შესაბამისად.

10. პირგასამტეხლო ხელშეკრულების პირობების შეუსრულებლობისათვის

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის ხელშეკრულებით და საქართველოს კანონმდებლობით დადგენილი წესით;

10.2. წინამდებარე ხელშეკრულებით ნაკისრი ვალდებულებების შესრულების ვადის გაშვების შემთხვევაში მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. წინამდებარე ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

11.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შეწყვეტა

12.1. შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში, რის შესახებაც შემსყიდველი წინასწარ აცნობებს მიმწოდებელს.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ნებისმიერი დავა გადაიჭრება ურთიერთშეთანხმების გზით.

14.2. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018 წლის 28 თებერვლის ჩათვლით.

16. გარდამავალი და დასკვნითი დებულებები:

16.1. წინამდებარე ხელშეკრულება შედგენილია ქართულ ენაზე;

16.2. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ინახება „შემსყიდველთან“, ხოლო ერთი - „მიმწოდებელთან“.

17. მხარეთა რეკვიზიტები: